



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,  
Orthodoxorum Medicorum Patrono.

QUÆSTIO MEDICO-CHIRURGICA,

QUODLIBETARIIS DISPUTATIONIBUS,

*manè discutienda in Scholis Medicorum, die Martis octavâ  
mensis Martii, Anno Domini M. DCC. XLVI.*

M. PETRO POISSONNIER, Professore & Censore  
Regio, Doctore Medico, Præsidente.

*An Vulneribus ex Catapultis globulos plumbeos relinquere  
aliquando præstat?*

I.



D vitam unus tantum patet ingressus, ad mortem innu-  
meri; ut illam doloribus auspicamur, sic ab eâ ejicimur  
laborum vi: undique mala circumstrepunt; ubique bel-  
lum & insidia. Mundus in solius hominis utilitatem fac-  
tus, videtur odio in ipsum plenus. Hyems scelerato fri-  
gore necat. Ver infinito morborum numero de medio tollit: Æstas

A

immodicâ siccitate, vitæ principia depopulatur. Autumnus cum fructibus, ut par sit mensura malorum, morbos creat atrocissimos, qui mortales plerumque ex viventium numero expungunt: Ast non satis est ut natura per se sit adeò malorum ferax, acuitur ferrum, temperantur venena, accenditur flamma, ut corporis & animæ dirimatur societas. Hinc innumeræ armorum species, si ex ligno tantum, ut fustes & clavæ herculeæ, contundentes; si ex ferro simul & ligno, enses scilicet, gladii, sagittæ, tela, lanceolæ, non solum carnes sed & venas, arterias, tendines, membranasque secant, læduntque; Si ex ære, ferro & igne ut sclopeti, catapultæ, tormenta bellica, non solum contundunt ac dividunt, sed partes dilacerantur, earum substantia consumitur, gangrænâ & sphacelo pereunt, undè vulnera & plagæ omnis generis sobolescent, quibus solidorum ordo fluidorumque mixtio penitus turbatur.

## I I.

**C**ORPUS humanum nihil aliud est quàm congeries indefinitorum canaliculorum, tubulorum, valculorum, fluida varii generis corpuscula transmittentium; si aliquid grave supra incidat ac id ipsum collidat, continuitatem solvat citrà deperditionem manifestam substantiæ aut externam rupturam, in parte carneâ cruor colligatur sub cute, venæ exiguæ rumpantur, est tantum contusio; si in eadem parte fiat solutio continui ab instrumento secante aut pungente cum violentiâ, vulnus simplex audit; si à violentiâ quâdam extrinsecus in os adveniat, fractura; si plaga sit cutis, carnis, venarum, articularum, nervorum, vi ignis impressa, humidum radicale illicò exsiccat, caro, venæ, arteriæ, nervi, contrahuntur, in escharam siccantur: tunc corpus fit impurum, pravis humoribus refertum, iis ad partem affectam confluentibus vulnus sordescit, caro confusa putrescit, natus calor destruitur & gliscente serpenteque contagio partes vicinæ infestantur, nec-non facîle in gangrænâ degenerant, nisi citò adhibeantur remedia.

## I I I.

**M**AGNO vibratur impetu globulus plumbeus cutemque attingit? statim partes istæ, nervi, tendines, fibræ atque varii tubuli variè dirumpuntur; tum confusione & attritu maximam concipiunt inflammationem & putredinem, undè vulnus complicatum,

quod fit ex icôds vehementiâ multarumque partium, præsertim nervearum divortio; hinc statim fiunt stagnationes, coagulationes, fiunt nova concreta, variæ oriuntur excrementiæ, quibus accedunt interdum aëris ambientis intemperies, ut cælum Austrinum, corporis Cacochymia, fragmenta ferrea, flocci, tomenta, vestimentorum frustula, pulveris pyrii portio quædam ignescens & similia, quæ rapidè in corpus trula dolores excitant, fluxiones movent, Erethismum partibus solidis creant, undè impeditur earum coalitus.

## I V.

**P**LUMBUM metallum est constans ex sulphure indigesto, sale aluminoso, ac mercurio naturam antimoniam æmulante; refrigerat, astringit, incrassat, vulnera carnibus implet, cicatricem obducit, vulneribus cancris & putredinosis convenit virtute suâ exsiccante, demulcet & discutit humores, dulcedine nativâ mitigat; globuli plumbei nec partibus solidis Erethismum creant, nec fluidis acorem inducunt, partium divisarum unionem non impediunt, nec putredinem pariunt: imò sunt veluti sapo ad abstergendas fordes. Si globuli plumbei tutò eximi non possint, neque presso nervo dolorem moveant, nec in venam vel arteriam impingant, nec in sinum aliquem devolvi suo pondere sint parati, intus latere sinas. Num vi naturæ eorum ejectionem relinquere nefas? si ad cutem regeruntur, si in vacuo ventris delitescunt, si inter musculos in membranâ adiposâ interdum nidulantur, nonne fovere impunè globulum in sinu præstat quàm periculosè eximere?

## V.

**G**LOBULI plumbei parti cuidam periculosè hærescunt, omni ratione dimoveantur è loco, pulsu, pressu, frictu, concussione, extractione facili; si horum nullâ ope ejici possint, nec impunè servari, extrahantur, quâ viâ? eâ quam contra aperturam vocant. Ergò, inquires, non servandi globuli. Imò servandus æger. Meliùs est cum periculo dubium tentare quàm inconsultò expectare ineluctabile fatum. Vulnus angustum dilatetur, si non longè distent globuli à cute, parte oppositâ extrahe specillo, si ossibus hæreant, terebello, si in carne consistant, ad eos eximendos conveniunt forcipes cannulatæ, quæ formam exhibent rostri anserini, simulque corvini, si longiùs distent, tenues oblongæ in modum rostri gruini efficiæ, quæ sint rectæ

4  
vel incurvæ ; si sint depressi , denticulatæ seu colubrinæ. At hæc  
fiant quomodo ? Consilioque manuque. Intelligentiam quæris ? Me-  
dici vexilla subsequere. Manum ? actibus repetitis & exercitio acqui-  
ratur dexteritas. Obicient iterum adagium commune , extranea exi-  
menda ne noceant ; at plumbum innocuum mille exemplis testatur  
experientia.

*Ergò Vulncribus ex Catapultis globulos plumbeos relinquere  
aliquandò præstat.*

### DOMINI DOCTORES DISPUTaturi.

*M. Michaël-Philippus Bouvart ,  
è Regiâ scientiarum Academiâ  
& Scholarum Professor designa-  
tus.*

*M. Michaël-Josephus Majault.*

*M. Antonius Ferrein , è Regiâ  
scientiarum Academiâ , Pro-  
fessor Regius , & utriusque  
Pharmacæ Professor designa-  
tus.*

*M. Bartholomæus Murry.*

*M. Carolus Payen.*

*M. Tassanus-Gilbertus Boulland,  
Consultarius Medicus Regis or-  
dinarius in ejus Castellæto.*

*M. Joannes de Dieß.*

*M. Josephus de Jussieu , è Regiâ  
scientiarum Academiâ.*

*M. Henricus-Franciſcus Bourde-  
lin.*

Proponebat Parisiis PASCASIUS BORIE , Benearnensis , Doctor  
Medicus Monspeliensis , Saluberrimæ Facultatis Medicinæ Pari-  
sienſis , Baccalaureus Medicus , A. R. S. H. 1746. à sextâ ad  
meridiem.